

1

《Cunghgoz Gungcanjdangj Aeu Denbau Senhgau Daengx Guek, Bingyizbwnj Hoenxdwk Luzgouhgyauz》

《中国共产党为日军进攻卢沟桥通电》

Bi 1937 ndwen 7 ngoenz 8, ngoenzgonq Yizbwnj ngamq fatdoengh “Luzgouhgyauz Saehbienq”, Cunghgung Cunghyangh fat le 《Cunghgoz Gungcanjdangj Aeu Denbau Senhgau Daengx Guek, Bingyizbwnj Hoenxdwk Luzgouhgyauz》, heuh daengx guek yinzminz doxgiet hwnjdaej, doengz-caez dingjhoenx Yizbwnj boux ciemq haeuj neix. Caemhcaiq dawz gij gietsim Gungcanjdangj yaek aeu dwk hingz haenx baij hawj vunzbiengz yawj.

Cit densigi 《Mauz Cwzdungh》:

Mauz Cwzdungh: Gou sij le faenh 《Cunghgoz Gungcanjdangj Aeu Denbau Senhgau Daengx Guek, Bingyizbwnj Hoenxdwk Luzgouhgyauz》, seizneix doeg hawj daihgya dingq: Doenghboux beixnuengx daengx Cungguek, Bingz Cinh yungyiemi, Vazbwz yungyiemi, Cunghvaz Minzcuz yungyiemi, daengx minzcuz cungj bae hoenx Yizbwnj raeuz cijndaej ra diuz roen okdaej. Yizbwnj seizneix cingq hoenx Cungguek raeuz, raeuz yauhgiuz sikhaek dwk boiz. Caemh yaek miz saehbienq moq lo, raeuz aeu cinjbi

ndei, gaej muengh naeuz gyoengqde ndaej caeuj raeuz doxhuz doxndei dem lo.

Cunghgung Cunghyangh senhgau: “Aeu bing hen ndei Bingz Cinh, hen ndei Vazbwz! Mbouj hawj Yizbwnj digoz cuji ciemq aeu saek conq dieg Cungguek. Hen ndei diegguek, hen daengz dai bae! Daengx guek beixnuengx, cwngfuj caeuj bangbing yaekaeu doxgiet hwnjdaej, aeu minzcuz dungyiz cuk baenz diuz cangzcwngz gaenmaenh ndeu bae dingjhoenx bang bingcaeg Yizbwnj neix! Goz Gung song aen dangj aeu caenmaed doxgap, caez dingjhoenx bang bingcaeg Yizbwnj! Gyaep gyoengqde ok Cungguek bae!”

Bi 1937 ndwen 7 ngoenz 8, Gungghoz Gungnungz Hungzginh lij fat denbau hawj Ciengj Gaisiz, gangj mingz gij gietsim caez dingjhoenx Yizbwnj. Ngoenz daihngaih, Couh Wnhlaiz, Cuh Dwz guh bouxdaibyauj Cunghgoz Gungcanjdangj caeuj Ciengj Gaisiz raennaj, doxcaez yaeng baenzlawz dingjhoenx Yizbwnj gaeuj Cungguek. Couh yienghneix, gyoengq vunzlai gak minzcuz, gak gyaiq, gak



▲Mbaw haijbau Bazluginh dingjhoenx Bingyizbwnj.

gaihcwngz daengx guek, bouxboux cungj gagnyienh bae baihnaj hoenxcienq. Neix hawj bang bing raeuz engq miz gietsim haenqrengz gaj vunzdig. Neix dwg gij haindu

ciengzciengq daengx guek hoenx Yizbwnj hungmbwk de, caemhcaiq youq baihdoeng seiqgyaiq hai le aen cancangz daih'it hung ndeu bae fanj Fajsihshw.


2

Vuz Yindoz 《Dawz Sojmiz Doxgaiq Soengq Hawj Aendangj》

吴运铎《把一切献给党》

Bi 1953 ndwen 7, Vuz Yindoz ndaej 36 bi, de daiq bingh raiz le bonj saw 《Dawz Sojmiz Doxgaiq Soengq Hawj Aendangj》 gag lwnh ciuhvunz swheij, gujli le gyoengq bouxcoz ciuh dem ciuh. Vuz Yindoz dwg bouxhairoen aen saehnieb binggunq guek raeuz. De mbouj lau dai, sieng ndaek lai lij buekmingh guhhong, vunz cungj heuh de guh boux “Baujwj·Gohcazginh” Cungguek. De youq ndawsaw sij naeuz: “Cijaeu gou lix ngoenz ndeu, gou couh aeu vih aendangj caeuj lwgminz guh ngoenz hong ndeu.” Bi 1955 ndwen 4 ngoenz 12, Vuz Yindoz youq Cunghyangh Yinzminz Gvangjbo Dendaiz loeg le aen yenjgyangj “Bouxcoz Aeu Baenzlawz Gungganq Gij Daudwz Binjciz Gungcanj Cuji Swhgeij”.

Vuz Yindoz: Gij muzdi ndwenngoenz raeuz dwg gijmaz? Doiq boux guhgwmzing ma gangj de caenh miz aen dapanq haengdingh ndeu, couh



▲Bonj saw 《Dawz Sojmiz Doxgaiq Soengq Hawj Aendangj》.

dwg vih lwgminz cauh vuenyungz, gij vuenyungz caencingq haenx dwg yawjraen gij makbaenz de cauh

okdaej haenx bienqbaenz gij vuenyungz lwgminz, ndigah neix caemhdwg gij vuenyungz cei hong de. Bouxvunz miz gij muzdi baenz hungmbwk ndeu cei roxriuj vuenyungz dwg gijmaz. Ndigah de couh mbouj goq swheij, roengzrengz buekguh, mboujduenh hagsib. Gij vuenyungz caencingq ciengxlwenz liz mbouj ndaej gij swngli yinzminz.

Bi 1917, Vuz Yindoz doekseng youq aen ranz gungzhoj ndeu laeng Gyanghsih Swngj Bingzyangh Si Anhyenz Meizgvang. Saedceij haemzhoj lai, de menhmenh roxnyinh cijmiz riengz Gungcanjdangj cijndaej fanndang, ndaej gaijfang, raen gvanghmingz. Ciengzciengq Dingjhoenx Yizbwnj bauqfat le, Vuz Yindoz doq gyahaeuj Sinhsingh bae, haindu guh gij hong binggunq dwgengz haemzhoj haenx. Vihle yienzfai baudan, de deng caq dawz 200 lai mbat, fwngzswix caeuj da swix cungj deng caq dwk mbouj miz liux, ga'gvaz cix deng caq vej lo, hoeng de lij youq baihnaj buekguh. Haujlai bi gvaqbae lo, Vuz Yindoz ngeixdaug naeuz:

“Gou dwg gungcanjdangjyenz, mwh miz yungyiemi seiz aeu ndwn youq baihnaj, mbouj ndaej doi gij hong yungyiemi hawj vunzwnq.”

Vuz Yindoz: Gyoengq bouxcoz gyoengq baengzyoux, raeuz lix youq aen seizdaih hungmbwk ndeu, baihnaj raeuz miz diuz roen hawj raeuz cauh goenglauz, ok geiq ok maeuz hunggvangq ndeu. Raeuz aeu doiq ndaej hwnj gij ndwenngoenz raeuz, aeu insik gij vuenyungz caencingq, roengzsim guhhong, hagsib caiq vih lwgminz cauh'ok gij vuenyungz engq hong!

Daj Ciengzciengq Dingjhoenx Yizbwnj daengz Ciengzciengq Gaijfang, caiq daengz Cungguek moq laebbaenz, Vuz Yindoz youq gak cungj vihhong gwnzde okrengz buekguh gij saehnieb binggunq guek raeuz. Vuz Gwz dwg dahlwg Vuz Yindoz, de cungzlij ndaejgeiq coenz vah daxboh de: “Bouxvunz caencingq ndeu, bungzdaengz hojnanz couh aeu hoenx; hoenx ne couh aeu dwkhangz; hingz le cix mbouj ndaej ndaengndieng!”